



SAKSFRAMLEGG

Sakshandsamar: Ingebjørg Vamråk	Arkivkode: FA-D43
Arkivsaksnr: 21/268	Løpenr: 21/2714
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	08.04.2021	014/2021
Kommunestyret	22.04.2021	031/2021

Bårerom ved Samnangerheimen

22.04.2021 Kommunestyret:

Handsaming i møtet:

Framlegg frå Senterpartiet ved Øyvind Røen, foreslått av Øyvind Røen, Senterpartiet
Samnanger kommunestyre understrekar at det skal vera ei verdig handsaming av døde menneske og dei pårørande – frå dødsfallet skjer til gravferda/bisetjinga er fullført.

Rådmannen skal difor arbeida vidare med mogelege løysingar for eit livssynsnøytralt bårerom/syniningsrom, anten på Samnangerheimen eller andre stader.

Sak om dette vart lagt fram for kommunestyret innan utgangen av 2021.

Handsaming:

Øyvind Røen (Sp) sette fram framlegg til vedtak. Framlegget vart samrøystes vedteke.

KS- 031/2021 Vedtak:

Samnanger kommunestyre understrekar at det skal vera ei verdig handsaming av døde menneske og dei pårørande – frå dødsfallet skjer til gravferda/bisetjinga er fullført.

Rådmannen skal difor arbeida vidare med mogelege løysingar for eit livssynsnøytralt bårerom/syniningsrom, anten på Samnangerheimen eller andre stader.

Sak om dette vart lagt fram for kommunestyret innan utgangen av 2021.

08.04.2021 Formannskapet:

Handsaming i møtet:

Etter den innleiande debatten sette ordførar Knut Harald Frøland (Bl) fram følgjande framlegg til vedtak:

"Saka vert vidaresendt til kommunestyret utan innstilling".

Ordføraren sitt framlegg vart samrøystes vedteke.

FORM- 014/2021 Vedtak:

Saka vert vidaresendt til kommunestyret utan innstilling.

Rådmannen sitt framlegg til vedtak:

Bårerom på Samnangerheimen blei ikkje prioritert ved bygginga av sjukeheimen, og ein har ikkje rom som kan nyttast til dette innanfor eksisterande bygningsmasse. Eventuelle problemstillingar knytt til emnet «bårerom» bør handterast gjennom direkte dialog mellom gravferdsbyråa og Samnangerheimen.

Dokument som er vedlagt:

21_03 Brev kommunen om bårerom på Samnangerheimen (L)(336617)

Bårerom på Samnangerheimen (L)(336665)

Kva saka gjeld

Kommunen har motteke ein førespurnad frå Kyrkjestyret. Frå førespurnaden blir hitsett:

«Kyrkjestyret vil be kommunen og Samnangerheimen å vurdere om det er mogeleg å stilla eit rom til disposisjon som «bårerom». Ein er avhengig av å kunna koma til rommet med sengeheis frå avdelingane, sidan den døde då må verta kjørd i senga si til dette rommet for å verta lagd i kiste der. Rommet bør ha ein storleik som gjev god plass til både seng og kiste. Det bør vera enkel tilgang til parkeringsplass. Rommet kan gjerne liggja i underetasjen eller annan stad der det er råd å halda det kjøleg, slik at kista kan stå der til evt. syning/ bårandakt skal haldast anten på dette rommet eller i storstova. Rommet bør vera livsyns-nøytralt, men ha ei utforming som gjev kjensle av at det er ein verdig stad å setja ei bære. Det er ingen ting i vegen for å nytta rommet til møterom eller andre ting resten av året.»

Vurderingar og konsekvensar

Samnangerheimen opplever ingen utfordringar kring denne problemstillinga, og har ikkje motteke direkte meldingar om emnet. Ved planlegging og bygging av ny sjukeheim blei kjølerom vurdert, men då det er bårerom i kyrkja og kommunen er relativ liten, blei ikkje dette prioritert.

Enkelte pasientar som dør på sjukeheimen ynskjer bårandakt, men me ser at færre og færre ynskjer dette. Sjukeheimen tilbyr bårandakt i storstova, men ikkje alle ynskjer det. Ved bårandakt ynskjer ofte pårørande å ha seremonien på pasienten sitt rom, då dette blir meir personleg. Sjukeheimen prøver å ta omsyn til dei pårørande i denne tida.

Det er viktig å hugse på at Samnangerheimen er pasientane sin heim. Dei som bur der har sine private møblar med, som til dømes ein stol eller to, eit skatoll og ein TV, og dessutan seng og nattbord. Møblane er på romma deira.

Pasientromma er store og alle har ein rom, så det er vanskeleg å sjå problemet med plass. Men dersom byråa kjenner på at det er liten plass og det skaper problem for å utføra jobben, må dei ta kontakt med tilsette i avdelinga. Problemet kan gjerne løysast med noko så enkelt som å flytte ut ein stol eller to, slik at arbeidsmiljøet blir betre for dei.

Om sommaren kan varme potensielt vere ei utfordring. Men då byråa har henta avdøde innan eit døgn, har det ikkje bydd på nemneverdige problem. Der blir dessutan nytta kjølevifter og liknande, dersom temperaturen er høg.

Så langt har ikkje pasientane/avdøde blitt frakta til bårerommet og deretter tilbake til Samnangerheimen for bårandakt, og Samnangerheimen har så langt heller ikkje hatt utfordringar med bårandakt eit døgn etter dødsfall. Påstanden om at ein må gå gjennom daglegstove er nok

ikkje heilt rett, men nokre gonger må ein gå *forbi* daglegstova. Eventuelle pasientar som har behov for det, blir då skjerma.

Samnangerheimen har per i dag ikkje rom disponibelt til å gjera om til bårerom. Samnangerheimen stiller seg positiv til ein dialog med gravferdsbyråa om problemstillinga, og meiner den kan løysast innanfor eksisterande bygningsmasse. Byrå blir oppmoda om å ta kontakt med Samnangerheimen.